



泰泉集

辛



七言律詩

元日 丙申

陽吹朝來動遠空九重春與萬方同金盤北
 望思承露玉瑄東迴驗相風日月催人雙鶴
 鬢江湖容我一漁翁十年舊夢成追憶曾侍
 朱衣紫殿中

燈夕立春

東風澹澹月團團燈市逢春倍覺歡漢苑烟

花曾駐馬秦樓歌舞更驂鸞傳柑錯憶紅雲
殿綉菜驚看白玉盤官柳野梅俱在眼莫教
長笛倚闌干

和鄧沃泉憲副元夕

昇平燈火幾喧闐咲指東風十二年陸海魚
龍春變化艷陽桃李夜暄妍鎬京尚憶紅雲
宴郢曲遙傳白雪篇同是江湖懷 聖主步
隨明月望堯天

嬉春曲四首 有引

嬉春效楊廉夫也傳稱國風好色而
不淫夫公侯好仇非因窈窕季女斯
飢不專蘋藻云誰之思寔通誠於顯
王匪媒不得爰宣情於忠聖苟滯澁
指難以道古矣故予引興比類竊敢
自附於風人之義云爾

油壁香車嘶紫驢春城何處好嬉遊鰲燈海
上連三島鳳吹風前度五侯碧霧初生花作
陣彤雲不動月垂鈎采芳拾到沉珠浦解珮

俄逢拾翠洲

洲邊新水到漁磯
路上輕風颺酒旗
短短荷根難結藕
青青柳色易成絲
鷓鴣絃鶴笛遙相和
銀燭金尊晚竝移
低唱竹枝雲霧裏
免教明月妬娥眉

鈞天清夢隔瑤京
笑逐江湖酒伴行
芳草桁頭看寶炬
白蓮池畔聽銀箏
園花柳巷渾無賴
紫燕黃蜂各有情
誰向緇塵窺艷色
不知朱戶鎖傾城

天邊壁月懸清光
照見陌頭遊冶郎
縹玉香濃酌鸚鵡
鬱金樣窄裁鴛鴦
零露團團濕蔓草
谷風習習吹柔条
臨岐相見瞥然去
一夜心隨雲漢長

詠竹分得臨字

江南搖落氣蕭森
愛爾修篁自作林
清籟在天聞日夜
翠雲隨地變晴陰
秦樓鳳下湘山遠
羗塞龍吟渭水深
何似習池通蔣徑
祇應風雨亦登臨

感雨二首

三江水口浪如山百萬戈船一未還
即有轉輸愁駱越况聞征戍厭
湟關寡妻群盜傷心外烏合鯨
奔轉眄間誰向蒼梧報邊帥
急抽精銳脩荆蠻

去年優詔下明光拜賜蠲租喜欲狂
豈意春農歸浩蕩遂令生事轉淒涼
護持松菊欣無恙點檢琴書濕不妨
野哭陸沉俱在眼可能圖畫獻君王

暮春贈別李儀部稚大四首

離夢搖搖倦倚闌江城春共一尊殘
馬前紅雨應難駐鴻外青山正耐看
粵國龍蛇蟠大澤漢家卿相滿長安
趨朝好在南薰殿莫待金風吹玉鸞

滿院櫻桃齊作花柳條裊娜牽風斜
即看春事遽如許自信吾生安可涯
南國浮雲供伏枕北山孤鶴望移家
酒闌相送柴門莫月滿遙林明釣沙

石門雲樹浩悠悠鴻鴈拚飛竝綵舟君去可
堪還北望此心無盡亦東流月明桂館烟花
曉風落榆關笳鼓秋傾倒綠尊頻看劍江湖
何處有離憂

荔子紅時風滿枝彤雲飄忽望京師瑤壇曉
日鑿輿度珠樹微涼綵仗移北闕已新周典
禮南宮曾識漢官儀十年獻畝丹心在跋爾
承恩向玉墀

送顧少參進表之京

殊方長走畫熊車薇閣松牕月色虛喜見西
山歸戰馬愁聞南海進明珠風生閭闔陳金
鏡雲擁罽毼拜玉除後夜若逢牛斗使前星
應有鳳凰書

草堂酌別劉僊令

東方之日赤輪困照我庭前覆樹根仙鳧到
門化飛鳥神魚入網開清尊南歸暫與山水
會北去莫受風塵昏玉墀青鎖寄消息夜夜
梅花勞夢魂

暮春醉遊

東風飄飄吹絮衣
沉醉不憂生計微
粵臺雲
朗木客嘯珠寺花
深江燕飛山川有
恨天相
罩薇蕨無言春自
暉已拋簪弁逐漁
釣浩浩
放歌明月磯

登觀海樓醉後作

逍遙短褐滄洲上
突兀高樓霄漢間
潮落魚
龍猶竝出日晴
鷗鷺已知還
衝帆野色來千
里入座春聲殷
萬山飛絮又隨
杯酒盡東風

何事亦偷閒

是日得
致仕報

緇塵

緇塵休問舊貂裘
十月輕衫試薄遊
春事只
看芳草變清尊
聊盡白雲求
雪車冰柱燕山
路
楓葉蘆花楚水
舟
偶憶少年成
獨咲夜調
玄鶴上丹丘

贈別黃子章北上次鐵橋司馬韻二首

沙頭寒日照津旗
南鴈初飛北棹移
謝客池
塘新入夢于門車
馬重相期
江湖冉冉冰霜

盡花柳欣欣雨露私春近可堪人漸遠停雲
應是渺予思

芙蓉闕下綰銀章綵筆當年逐俊良沙苑月
明馳駿足掖垣花暗散鷓行西山爽氣朝應
在南海遺珠夜有光若到鳳池相問訊扁舟
今在白雲鄉

粵王臺懷古二首用王李二子韻

粵城秋日轉觚稜與客登臺感廢興孤鳥迥
隨雲影沒野花寒帶露華凝樓船有路天低

海劍壘無踪谷變陵留得當年歌舞地斷猿
清夜嘯烟藤

百年天地靜風塵吊古臨觴莫愴神鳥雀似
聞絃管夜雲霞猶見綺羅春滄關北去元通
漢肄水南來不向秦絕勝楚臺暮搖落白蘋
空對獨醒人

夢遊洞庭作有引

丙申杪秋夢軒轅奏樂洞庭之野逐
予以彩虬之舟俾往觀之及度湖則

荷香襲人予訝曰此西湖景也及登
龜臺而上星月之下金樓玉闕輝映
在望宛然皇城也宮娥環列群僊賦
詩俾予繼作覺而忘其第七句枕上
足成之

瑤臺今夕侍宸遊五色雲中駕彩虬銀漢有
章回紫極碧天如幕護皇州未央月轉芙蓉
殿太液波涵翡翠樓欲奏霓裳先按舞鳳笙
吹徹洞庭秋

送程太史舜敷二首

十月露葵青滿蹊嚶嚶山鳥向人啼梯風直
與鸞霄近步壑回看象緯低池上引杯玄鶴
舞花邊移燭紫駟嘶湘絃一奏清商曲離思
如雲暗柳堤

供奉當年紫禁東扁舟吾已謝鵝鴻烟花北
望開秦苑江海東流遶漢宮婺郡趨庭雙鳥
遠粵臺傾蓋一尊同白頭遲爾青冥翼與在
驪駒感槩中

苦雨

即看蒼翠逐人來何限藩籬向水開
北極雲烟連粵樹南溟波浪接燕臺
蘅臯慣見蛟龍舞草屋長聞燕雀迴
自笑野夫貧亦得小樓高枕勝蓬萊

夏日方氏園池小集分韻得狂字

寶月團團山霧黃薰風拂拂水烟蒼
尊前白紵翻新調檻外紅蕖妬艷粧
柳樹拂雲來鶴鶴蘭橈衝雨散鴛鴦
習池金谷風流在誰道

江湖放酒狂

中秋白蓮沼上見月

穆穆金波照玉泉人間天上共嬋娟
雲移寶鑑初離匣風定驪珠正在淵
萬里河山看桂闕九霄環珮聽娥仙
芙蓉不為烟霜老更覺光輝異昔年

秋夜卧疾

西風瑟瑟到芙蓉寒入瓊樓十二重
極浦雲烟連朔鴈滿城砧杵間踈鍾
宮中思婦歌秋

扇塞上征人望夕烽何事文園正消渴金盤
空有露華濃

蠟月立春感懷次梁南臯韻三首

歲晚春陽開淑景海濱林薄振暄風朱門雜
沓笙歌裏皂帽逍遙水石中南國暖回鶯易
至北河水結鷓難通沉香亭上花應發誰奏
清平入漢宮

粵城歌吹曉紛紛隱几蕭條實飽聞生菜又
從年裏見綵花曾向御前分有情北鴈隨遲
日無賴西郊自密雲最羨梁鴻詩律好五噫
何事悵離群

萱草凌寒先自生臯禽掠暖復交鳴百年未
滿祗須醉萬事逢新殊可驚楚地雪霜當嶺
盡粵臺雲物到春明登臨一咲人間世猶有
滄浪堪濯纓

遊泰泉席上與陳京北天游鄧憲副沃
泉分韻得文字

一尊何處可論文買得青山近白雲野色不

隨秋氣改松濤長共礮聲聞翦茅漸作花三
徑種稻頻來鶴數群吟眺不知仙客去滿林
蘿月白紛紛

登泰泉山椒和天游峰字韻二首

萬仞烟霞一短筇綠蒲黃菊盡仙踪安期海
上空遺鳥崔相菴前祇斷峰道在滄洲應易
得咲綠塵世每難逢何時更定雲岑約樸被
同聽野寺鐘

瑤空飛翠可扶筇仙侶凌秋覓異踪樵逕風
清聞落木海門霞起混高峰鱗泉瀹茗吟滬
酌虹澗尋花醉裏逢翻笑十年塵土夢馬蹄
空趁景陽鐘

南園弔古用梨韻

南園秋草蔚萋萋來謁新祠路不迷五嶺烽
烟曾躍馬百年忠憤但聞雞逢崖往事西風
冷蹈海高名北斗齊却恨天津明月夜杜鵑
啼血上棠梨

次韻答周八崖憲長見懷

六月芙蓉開絳英粵池遙帶楚湘清山中麋
鹿堪吾友地上麒麟羨爾行玉殿翠雲懷北
極石林紅日卧前榮瑤華忽慰音塵隔南浦
悠悠夢旆旌

春日田園禱興次鄭大尹韻

農圃歸來荷聖朝暖風遲日出迢遙青黃夾
路攜兒看花竹成畦課僕澆牛帶寒鴉過別
浦葉隨流水聚平橋年來自覺踈慵甚無柰
流鶯早見招

黃犢悠悠不用鞭綠楊裊裊未舒綿即看
氣通丘壑已有和風到海天陌上闔歌人似
月花間吹笛酒如泉年來種秫開三徑不爲
青山有杜鵑

暮春效白沙

烟樹蒼蒼黃鳥飛草堂春晚故人稀北風卷
雪馬猶去西水漫天船未歸性拙久拚玄鬢
改家貧長恐素心違雨餘天闊芳蹊暖無數
紅香點褐衣

春興和鄧沃泉韻

春回盤谷瘴烟消，千呂青雲近斗杓。丹鳳有書傳此日，白駒何事永今朝。粵山采藥穿雲倦，珠海尋僧汎月遙。招得草堂猿鶴伴，碧桃花裏醉仙瓢。

詠燈花次余仲粟韻

天涯芳草翠連空，惟有寒燈相對紅。金粟光芒如向月，銀缸開謝肯隨風。赤城霞起明窓裏，太乙星移絳帳中。忽憶炬蓮隨珮馬，十年恩寵向誰濃。

送李稚大廣右視學

吹劍當年歌昔遊，十年壘對三洲。湘山似戟馬前出，楚水如絲天際流。監祿豈知終化俗，伏波何用更封侯。離絃莫奏清商曲，梧葉蕭蕭已報秋。

九月與內姻兄弟登龍岡答梁應民

二首

龍岡亭榭倚岩堯，采采黃花不憚遙。陟岵看雲移白日，長松高鶩入丹霄。風迴古寺千山

葉野闊寒江萬里潮
曝背有懷還北望
可堪
關塞正蕭蕭

江湖獨卧逢人少
風日重陽發興賒
碧海波光依帽落
白雲山色抱簷斜
松蘿正爾堪杯酒
蓬鬢何曾媿菊花
帝圃仙臺休更問
咲看天地有烟霞

南江卷爲馮侍御子仁題

南江之水向南流
謫僊結廬栖上游
真源混混自天地
巨浪轟轟連斗牛
鳴皋玄鶴月當

夜入鱣白魚
風報秋浩歌
放浪渺然去
爲爾
蘆間尋釣舟

靈洲曉發

妙高臺前鬱水流
寶地祗林何太幽
雨晴山向鏡中出
潮長舟從天上游
鵬風忽送扶光曉
蜃月猶含珠海秋
一尊取醉掛帆去
渺渺滄波飛白鷗

峽山尋鐵壁
泉源讌挹泉亭次王十竹

韻二首

雲構初成風籟清翠寒當戶接流聲禹陽鳳
竹自秋色趙叟魚臺空月明鐵壁長年鏘玉
珮滄江終日駐霓旌酒闌更覓飛來跡直上
蓬山絕頂行

蕭寺重過亭榭新十年烟艇實藏身有情峽
鳥催沽酒無賴江花笑問津極北雲烟看欲
近天南冰雪坐疑真尊前却憶乘驄使彩筆
題詩合有神

飛來寺右林莽中尋達磨石小憩戲作

一轉語

凌空飛錫結嶙峋薜蘿香中草自春鳥度雲
移今此世鴻冥天闊我何人羲娥斷送千年
夢龍象終成一聚塵便合拈花發微笑滄波
無語月華新

舟次韶州奉懷黎韶山用贈行韻

對酒聯舟忽異鄉曲江回望粵山長九成臺
上簫韶遠二相樓前草木香春殿獨搖蒼水
珮秋風偏洒碧荷裳徘徊家國情何限雲白

天青自一方

秋日讌鳳來亭呈同遊符陳二使君

危亭開讌逼秋穹五馬同遊一馬駘岐路即
看千里近勸酬真覺四愁空楚山北向青如
簇肄水南來曲似虹笑指九成臺上鳳來儀
應在碧梧中

楊歷岩醉後詠月

明牧招攜上翠微金尊傾罷玉蟾飛桂枝似
向淮岩出紈扇疑從漢苑歸澤國魚龍踈作

雨江干鷗鷺久忘機廣寒共是曾遊客莫唱
開元舊羽衣

過嶺瞻望張丞相祠

蹇蹇宗臣起海涯荊州南去爲誰家鼓鼙塵
裏青騾遠鷹隼風前紫燕斜揭日聲華垂宇
宙格天英采在雲霞十年舊路生秋草長憶
寒梅繞樹花

登吳山驛樓眺望

樓外緇塵望不昏槎山高峙彩雲屯潮聲近

欲無溟渤樹色遙應接薊門桑柘影踈嗟亢
旱芟荷衣薄藉朝暎憑高倚劍歌回首家在
天南烟水村

立春日東墅探梅簡劉東溪中丞

招攜東墅探寒梅冷蕊踈枝尚未開繡豸金
貂頻促席吳歌楚舞肯停杯東皇已正蒼龍
馭靈女虛傳赤鳳來風籟蕭蕭歸路晚采芳
何處是春臺

宮僚燕集次許松臯冢宰韻四首

十二

玉河皜皜樹蒼蒼歌管催春入燕觴四海簪
纓趨 聖主萬年圭鬯屬元良風雲燦爛銅
扉裏日月光華 玉殿傍留滯周南通籍晚
只將麟趾詠 姬昌
桂宮蘭殿倚穹蒼綺席凌寒綠滿觴銀榜自
今暉日月金臺從古重賢良鸞鑣合沓瀛洲
裏鳳吹飄颻太液傍旣醉不愁歸路暝 上
台光彩屬文昌

壽身集卷八
宮槐院柳競寒蒼
僊侶開筵薦羽觴
周誦師資曾作聖
桓榮稽古亦稱良
槎山睇視西山外
南斗追趨北斗傍
自笑冥鴻隨羽翼
卽從詒燕頌
隆昌
前星炯炯天蒼蒼
高雲斐豐明霞觴
鴻遠豈謂羽儀少
鶴禁正須籌策良
燕京館閣玉霄上
魏闕衣冠珠斗傍
陽春忽奏郢中調
萬歲飛龍應壽昌

重午謾興

蕭艾青青烟雨中
錦囊誰與奏薰風
駢驪騎來燕市迢
迢翔鶴仰漢宮
竹葉謾隨人意綠
榴花孤倚客窓紅
去年此日衡門下
笑采菖蒲碧澗東

冬日介翁宗伯招飲賞菊次韻與甬川儼山二學士內方庶子同賦

十月芳菲猶滿家
容臺招賞傲霜花
玉杯對酒朋簪盍
綵筆裁詩蠟炬斜
撫景况聞歌白雪
臨風翻笑落烏紗
陽和只在邀懽地
未覺

流光換物華

七言排律

曲江曉發贈別符穎江太守

曲江流水混晴霞
嶺樹陰陰背郭斜
八月揚舲趨鶴禁
十年垂釣向鷗沙
曠筵揮麈歡無極
明牧連騶興未涯
錦寺劇談支遁躅
帽亭遥指邵平瓜
隋珠幾見傳仙掖
韶石重來駐使槎
憂世舊愁憐杜甫
阜民新調協虞華
芙蓉國裏三千首
烟雨樓前十萬家
杯酒論文

更何地春風應在紫薇花

庚子三月八日奉命充經筵講官

有感賦十二韻

春風環珮集群仙
回首瀛洲二十年
院柳綠垂鸞駕外
宮花紅入鳳池邊
曉承綸綍開經幄
夕佩蘭英拱御筵
青瑣赤墀聊復爾
璇題珍館故依然
三階瑞氣纏黃道
六籍榮光出翠川
祖武直從高帝始
人文真羨孝皇前
翩躚鸞鷺趨清瀆
縹緲麒麟颺紫烟
芸

閣秘書頻駐輦羽陵遺策自忘筌座臨北斗

霑堯酒永樂中講讀官燕齊同尚書簾捲南薰協舜絃天

中延諸學士于便殿命中官撫琴長樂賜來霞錦艷上林擎

出露桃鮮賡歌此日光華旦下拜何時咫尺

天遙望帝城珠樹裏金華涼月夜娟娟

恭謁孝陵側望懿文墓

紫金積翠鎮重泉絳節揚靈護九玄五色雲

車龍渺渺萬行珠樹鶴翩翩湖風雨秦淮

水緜嶺煙霞句曲天王璽一從歸冀北鬱葱

佳氣自年年

玉亭侍家慈宴坐述懷

玉亭幽勝頗宜人喜奉潘輿眺望頻龍關日

高吳苑曙鳳臺花發苻陵春巢林鳥鳥聲偏

樂入饌鮓魚味更新猶自倚樓清夢裏南溟

天濶有垂綸



泰泉集

壬

五言絕句

子夜四時歌八首

採桑南陌去共歡桑下嬉歸來理機素成匹
待何時

黃鳥雙雙飛園林春意早歡愛緋桃花儂愛
卷施草

團團合歡扇搖動生薰風展轉羅幃裏時復
障顏容

乘涼登水榭見那採蓮船石闕映芙蓉含悲
誰復憐

猛風吹梧樹玉露墜金井蹋歌人不聞明月
照雙影

門前霜楓澀酒淚積成許蛛網罨黃蘗腹中
苦思汝

白雪滿庭戶朱火耀牕牖清歌侑蘭觴郎咲
學儂手

枯林噪寒雀開門歡正來炭爐火未冷思心

欲成灰

送劉符卿使楚

揚舲向荆楚渺渺烟波濤河橋揮手後酒醒
明月高

梁子席上賞葵

蕭颯天南鬢羈留冀北身憑將向陽意一爲
問花神

風雨與張景川酌

風雨送深秋千山木葉流黃花猶自艷知爲

故人留

禾雀

兩三啁哳雀飛飛自容與天地無網羅郊原
熟禾黍

玄堂八景為羅大參題

大崗發靈源綠潭何迤邐松濤翻翠寒秀色

亘千里綠潭靈源

煙樹橫一抹微茫混天色林疎見夜燈點點

訝奎壁上涌烟村

丹桂孤巍巍移根自蟾穴空翠從風來萬古

香不滅丹桂山香

天衢在丹霄紫峒相與通常有五色雲飛繞

蓬萊宮紫峒天衢

商歌聞飯牛長夜嗟未旦東岡忽搖白織鳥

動層漢東岡曉棹

寒潮擁西岸漁艇互相呼答歌不知夜皓月

生菰蒲西岸夜漁

徙倚村頭望翠竹干雲霄欲截鳳凰管憑誰

叶虞韶

村頭翠竹

岡背何所有歷歷青松樹颯颯悲風來恍恍

神靈雨

岡背青松

題居竹軒

清陰滿牕戶幽人澹無語翠影交龍蛇白日驚風雨

題寒江小景

大地陽初復寒江雪獨深古崖空老樹漁艇忽挈音

寄易司訓體乾

北鴈飛南天蒹葭霜月圓美人千里隔深夜一燈懸

題倭扇畫鼠

喜遇秦丞相悲逢漢大夫不知當磔日猶記太倉無

月出

月出群犬嗥月入群犬靜幽人耿不眠條然發孤詠

苦熱

月淡萬籟寂更寒百虫語道人據槁梧揮扇
自驅暑

遊南華次章樸庵韻漫作禪語

南能無伎倆妙境還誰履拈花裂虛空莫問
如何是

雙井梧桐小景

鳳鳥久不至魚鳥悲道窮誰從雙井上手自
種梧桐

題畫鳩

大地龍正蟄江山望禾黍枝間聞女聲蒼林
自風雨

題畫練鵲

蓬蒿恣浼啄羽翼何翹翹何如舍之去玉立
當雲霄

六言絕句

春日遊鄭氏莊

寒食園林載酒暖風簾幙啼鶯高閣一回歌

枕小樓何處吹笙

漁父詞

遲日桃花浦上輕風楊柳磯邊鼓柁一聲欸
乃中流遙見湘煙

春雨燕坐偶成

簾前膏雨闌珊竹外鳴鳩往還隱几只銷香
篆薔薇開遍東山

潞河晚發

樓前淼淼潮平陌上蕭蕭馬鳴孤月徘徊芳

渚五雲繚繞 神京

文淵閣登望

嘉靖乙酉

八柱高擎遠漢四簷長納明霞渺渺碧山雲
樹重重紫禁烟花

七言絕句

凱歌詞十首

聖駕南巡江水清凱旋惟恐露威靈虎賁夜
散常山陣龍氣朝纏細柳營

從官鵠立侍牙樯中貴蟬聯進玉觴百萬貔

春風集卷九
十一
貅齊喝采載歌常武賀君王

氛祲全銷玉劍寒鯨鯢京觀築如山風生虎
帳刁斗靜日照龍江旌旆閑

孝陵松柏貼青霄鳳輦龍旗久寂寥百歲遺
黎應感嘆神孫英武似先朝

瓜步寒潮兩壩通居民今得醉春風紅樓夜
夜歌瓊樹月墮河翻樂未終

不殺天聲本帝心大江魍魅暗山林夏廷舍
鑄神姦鼎九牧遙聞已貢金

錦韉白馬出新河簇隊吳娃善凱歌譜得昇
平新樂府內家休按舊雲和

諸番鞮寄太侏離重譯于今聖得知已有茅
封及邊帥更將天姓賜胡兒

郊圻草木沾天澤淮海魚龍識聖顏聞道賡
歌臨相第唐虞今復在人間

翠華詢俗及閭閻長有祥光散九衢後夜五
雲最深處衆星高護北辰居

宮怨

上陽宮殿倚雲霞
天外時聞度翠華
魚鑰重鎖窓戶
夜來春雨到梨花

征婦

織愁長倩錦爲文
樓上花枝伴夕熏
夜半朔鴻呼夢起
一天涼月沁香雲

詠四皓

歌殘鴻鵠漢宮秋
四老曾隨鶴駕游
采采瓊芝謝車馬
不知羅網是留侯

旅夜

沉水烟消膩燭黃
踈帷浮動月蒼蒼
栖鴉不避霜風惡
繞樹數聲秋夜長

送盧仁三首

河水東流無盡期
分携休唱莫愁詞
丈夫磊落要自許
蘭室桂梁非所知

金風剪剪不成霜
八駿行春及萬方
君去秦淮詢盛事
滿郊魚鳥帶恩光

當年曾自大江回
映水芙蓉秋正開
今日逢秋送歸客
感時思舊不堪裁

懷羅浮四首別王用儀

旅食燕臺兩變星
圖南長擬躡鵬翎
無端夜雨驚心事
夢斷羅浮未了青

水簾洞口草生雲
大石樓前花撲人
唐世軒轅今我是
羅浮那有別家春

伏波銅柱埋南紀
郭隗金臺落北州
看取長空沒孤鳥
白雲多處是羅浮

羅浮秋色與天高
約略明朝買去舸
萬丈飛雲携手上
共君眠石聽松濤

聞鴈二首

雲邊久覺音書靜
江上徒聞舟楫歸
嘹唳數聲和夢破
涼蟾當戶故輝輝

瀟湘水碧莓苔青
白鴈掠雲時一聲
踈燈古壁照蓬鬢
江湖心事秋冥冥

題山水小景

九衢塵土襲錢纒
擬向乾坤借草亭
恍惚羅浮畫中見
亂松深處數峰青

秋霽

萬壑長風吹日來百年幽抱與雲開倚闌舒
嘯一翹首何處亭亭郭隗臺

春日有懷家山二首

花雨漫山杜宇愁午牕歸夢遶松楸入簾芳
草應相咲爲報王孫已倦遊
語燕交飛舞蝶狂杏花零落柳絲長天涯此
日堪淒斷寒食郊原麥飯香

道中寓意二首

燕趙相望一箭飛東風吹老故山薇江南萬
里烟波闊不似垂鞭信馬歸
鳳樓十二麗烟花盡日凝粧望翠華開遍露
桃多少恨銀環今夜落誰家

厓山懷古六首

北風吹浪作龍樓疑是乾坤正氣浮聞說當
年楊太后間關揮淚渡中流

宋室逢厓事可知燕臺猶夢整天歆黃冠不
到江南路長使遺民歎黍離

雲掩西湖王氣銷厓山回首紫宸朝露松似

滄朝衣淚不逐青梧日夜凋
兩厓形勝自天開奪港猶思卷上來千古海
陵遺恨在雲濤回望重堪哀
哀歌何處問荒亭野燒隨風訝隕星表暴尚
遺徐禮部斷厓無語向人青
南閩不廢祥興朔西蜀仍聞藝祖孫會與英
雄消積恨直從龍鳳定中原

嘉會樓二首

嘉會樓前誰主賓老樹挾風鳴向人坐槎仙

客不可見江水滔滔勞問津

江沙白白楓葉紅鱖魚撥刺波搖空相逢漁
父不相識醉舞藤篔明月中

訪白沙宅四首

堂前雙栢走蒼虬苔自侵階鶴自謀恠底詩
翁貧到骨野風蕭瑟蔗塘秋

百年聞道屬斯人碧玉中藏太古春今我登
樓望江水青山紅樹四無鄰

獨上高樓開八窓浮雲飛盡月澄江人間亦

有虬髯客投老扶南自一邦

鶴骨崢嶸畫輻開執鞭何計起泉臺翰林啓

戟依然在曾見先生馬首來

夢中登故山作

清泉綠樹抱山斜萬頃雲天一畝家盡日掩

關來自去白雲蒸雨濕松花

題黃鶴樓畫二首

黃鶴高飛覽九州楚江至今空此樓登樓浩

歌一懷古江木蕭蕭無那愁

楚城斜日照洲渚飛飛鴻鴈鳴相將樓頭客

子咲無語北夢南雲爾許長

題便面小景次韻贈文徵仲

蕭蕭松徑無塵埃白雲滿地幽鳥來周南留

滯未歸去舊日履綦空綠苔

舟中漫興五首

璧月團團玉鏡臺臺在江照人懷抱霎時開無

情最是蘆包水不共西南一路來

胥江兒女多浣紗道傍聞有莫愁家莫愁蕩

槩向何處楊柳蕭蕭啼暮鴉

宋朝棧道接烟霄

宋時自五羊至清遠有棧道

今日荒蹊

沒斷橋花洞蠻歌喧邏口竹房僧梵落山腰

橫石磯邊秋水生滇陽峽上鷓鴣鳴船頭客

子不能睡對月長歌到五更

河漢盈盈夜遽央淡日欲出流雲涼捲簾默

坐看流水風送一番松桂香

壽孫九峰尚書二首

高詠琅函閱海籌中臺元不異丹丘年年六

月蒲麟酒長對來禽安石榴

錦席湘簾白日長玉杯稱壽未渠央調弦正

奏緇衣曲無限南風入座涼

戲贈楊中允二首

海珠江頭披綠簑春風秋雨共漁歌而公釣

艇橫江浦鱸鮓年來柰爾何

梅花未發菜花香坐到東風日漸長買菜供

餐無那少尋梅沽酒只消狂

採蓮歌五首

靈洲鬱水粵王都五層飛樓天下無江上行
人莫回首木綿花開啼鷓鴣

江北江南機杼多誰家兒女不停梭笑渠不
似蜘蛛巧能向虛空織網羅

清遠峽連黃木灣採蓮來往不爲難青山亦
有飛來日何事蕭郎未見還

隔花相見兩徘徊蕩槳低頭笑不來雙栖白
鷺忽驚起遙見浮萍一道開

芭蕉葉卷久無舒江口月明多鯉魚要得鯉

魚寄消息鯉魚長在石岩居

寄錢太守索竹

采藥歸來即掩關故人相饋一開顏已調滌
瀦供皤髮更覓琅玕護碧山

湯文明惠並頭葵花二株口占十絕

縹蒂同心葵十尋日華浮動朶雲深江湖爲
爾懷霄漢三月長安正綠陰

玉立亭亭見睥容鳳池相並集夔龍丹心只
在彤雲裡休道蓬山幾萬重

薰風未報清和月
淑氣齊開並蒂花
丹鳳綵鸞天上路
一時飛動侶山家

五夜彤庭絳節齊
火城如晝散烏栖
十年不到芙蓉闕
坐對雙紅聽曙雞

翠蕤紅臉自相依
不似桃花觸處飛
已共雲霞分錦色
更煩雨露濯仙衣

春風秋月幾離憂
誰似傾心結並頭
織女機絲何處所
長年辛苦會牽牛

此花不省人間有
喜自文明宅上來
恠底潛

龍驚起舞夜來風
雨動池臺

覆雨翻雲見汝難
曉來依舊立雕闌
舉頭並向長安日
誰識芳心一寸丹

炎風時節集芳筵
同榦駢花憶賞蓮
今日葵花更堪賞
暮春猶是豔陽天

獨樂名園洛水濱
種葵長得殿餘春
如今柳絮方零落
遙想南山尚有人

沙洲草堂四首為歐氏題

海上結廬花滿洲
春回沙際綠幽幽
鷓鴣

九十五
鵝日來往伴爾看花移小舟

風簾水簾對烟汀浦口潮回日射星手種琅

玕今長大江村無數翠雲屏

鱸鱖初肥風滿林海天寥廓絕擊音一聲老

鶴掠舟去月出沙明蒲稗深

朔風瀟瀟沙欲飛翠鳥黃犢寒相依古梅一

夕倚簷發吾愛吾廬春已歸

雨中得呂氏讀詩記答李三洲四首

山雨瀟瀟花葉紅卷帷呼酒倩誰同駉鸞一

去傳消息多在青羅碧玉中

誰傳呂氏詩三百苦憶雲間陸士龍同年陸舉之所

刻自別青冥今白髮鏡湖何處見芙蓉

白雲飛處憶蒼梧夢入槐亭片月孤今日帛

書纔咫尺杏花春雨卧江湖

遊絲千尺絆行塵黃鳥嚶嚶似勸人尊酒當

年同李白融融風日洛橋春

仰雲堂二首為林上舍志復

小小茅齋傍榭開壺山流影入書臺翠濤搖

動清風起疑是雲莊逸老來
霞明屏石曉熒熒樹引山光翠滿城却憶過
庭何處所支頤翹首白雲生

泰泉集

祭

集句

秋懷集句四首

傷禽惡弦驚愁人知夜長展轉不能寐秋風
發微涼美人遊不還容好結中腸愛至望苦
深何況隔兩鄉願飛安得翼欲濟川無梁叢
鴈鳴雲霄溼露沾我裳佳期悵何許仰見明
月光

仰見明月光星河曙耿耿迢迢牽牛星蕩蕩

空中景織女處其東復與雲路永無情尚有
歸令人發深省何以慰我愁揮杯勸孤影
揮杯勸孤影孤影中自惻濁酒且自陶爲君
長歎息青苔依空墻芳塵凝瑤席感歎何時
平含情弄柔瑟遺響飛青天何歷歷雲
霞收夕霏迴風吹四壁君懷良不開冰王徒
貞白

冰王徒貞白江湖迥且深秋菊有佳色寒蟬
無餘音感物憂不歇隔我浮與沉人生離合
孰爲勞寸心濯足萬里流長嘯高山岑大哉
乾坤內視古猶視今

集杜句題彩鳳雲龍卷送方公子行

君不見隴山蕭索秋雲高山巖朱鳳嗚嗷嗷
則身長顧求其曹萬古雲霄一羽毛君不見
瀟湘洞庭虛映空中有雲氣從飛龍天地黯
慘忽異色萬斛之舟行若風英雄有時亦如
此攬環結珮相終始鳳臆龍鬚未易識青眼
高歌望吾子

草堂別友人集杜句

倚江栢樹草堂前忽漫相逢是別筵縱酒欲
謀良夜醉將詩不必萬人傳朝廷衮職誰能
補鄉里衣冠不乏賢此別應須各努力濁醪
粗飯任吾年

南雄返棹集陶句二首

行行循歸路靡靡秋已夕遙遙望白雲露凄
暄風息一形似有制萬化相尋繹江山豈不
險自古歎行役息駕歸閒居梅柳夾門櫺

肱豈傷冲披褐欣自得時還讀我書弱子戲
我側提壺接賓侶抗言談在昔林園無俗情
雲鶴有奇翼孰敢慕甘肥素襟不可易

形迹滯江山僂俛四十年天地長不沒聊且
憑化遷榮華誠足貴於我若浮烟即日棄其
官守拙歸園田白日掩荆扉藥石有餘閒嘯
傲東軒下徘徊丘壠間青松夾路生紛紛飛
鳥還人道每如茲此行誰使然世俗久相欺
任真無所先何必升華嵩一盼周九天

桂林雨中望諸葛亭有感集杜句

雲水長和島嶼青江中風浪雨冥冥霜凋碧
樹作錦樹色過棕亭入草亭諸葛大名垂宇
宙元戎小隊出郊坰卧龍躍馬俱黃土極目
秋天虛翠屏

草堂夜坐有懷梁南阜用韻集杜二首

琴瑟几杖柴門幽請公一來開我愁夜如何
其初促膝歲云莫矣增離憂飄零已是滄浪
客角壯翻飛同麋鹿遊走覓南隣愛酒伴江花

米芾會江樓

東流之外西日微羲和迭送將安歸江中淘
河嚇飛燕天上浮雲如白衣即事非今亦非
古暫時相賞莫相違因知貧病人須弃獨立
蒼茫自詠詩

秋日集杜句寄山陰周給事

萬里風烟接素秋杖藜徐步立芳洲自知白
髮非春事更有澄江消客愁念我能書數字
至悲君已是十年流更爲後會知何地須向

山陰上小舟

草堂招湯處士民悅飲集杜句

君不見講上鷹萬里寒空只一日焉能作堂
上燕可憐處處巢居室丈夫垂名動萬年會
是排風有毛質天意衝寒欲放梅江上徒逢
袁紹盃酒闌擊劍蛟龍吼山根鱸鮓隨雲雷
男兒生無所成頭皓白我能拔爾抑塞磊落
之奇才速宜相就飲一斗絲管啁啾空翠來
如何不飲令心哀

東流江水篇

有引

至日承倫鄧二侍御召飲陪戴孟光
巡按不赴是日也獻酬歌樂盛麗動
人夜坐有懷李三洲以李子與茲席
也集杜成此蓋感今念昔以見會合
之難云爾

東流江水西飛燕只願無事長相見咫尺應
須論萬里可惜刻漏隨更箭憶獻三賦蓬萊
宮聲價歛然來向東喜得與子長夜語意匠

慘澹經營中年年至日長爲客口脂面藥隨
恩澤此時與子空歸來鴻飛冥冥日月白孤
城西北起高樓伐木丁丁山更幽青鞋布襪
從此始長歌短詠還相酬鍾鼎山林各天性
後來况接才華盛青眼高歌望吾子蒼苔濁
酒林中靜冬至陽生春又來亦知窮愁安在
哉江上被花惱不徹安得健步移遠梅梅花
欲開不自覺細推物理須行樂玉壘浮雲變
古今瑤臺侍臣已冥冥君不見周南太史公

凡今誰是出群雄詞源倒流三峽水胡爲見
羈虞羅中君不見西蜀杜陵老多才依舊成
潦倒且盡清尊戀物華不知明月爲誰好高
視乾坤又可愁尊前還有錦纏頭綠雲清切
歌聲上多暇日陪駘馬遊紫衣將炙緋衣走
饗人受魚校人手憶昨邀懽樂更無此曲祗
應天上有簫鼓哀吟感鬼神回風颭颭吹沙
塵合懽却咲千年事白水青山空復春

集杜句贈右溪倫子

晚來幽獨恐傷神相送柴門月色新卜築應
同蔣詡徑名家莫出杜陵人侍臣緩步歸青
瑣鳴玉朝來散紫宸南極一星朝北斗勿云
江漢有垂綸

又贈青蘿王子與倫子同行

渡頭翠柳豔明眉僊侶同舟晚更移鍾鼎山
林各天性風流儒雅亦吾師獨當省署開文
苑會送夔龍集鳳池離別不堪無限意呼兒
覓紙一題詩

倫子席上賞菊觀戲

多暇日陪駘馬遊尊前還有錦纏頭殘花爛
熳開何益妙舞逶迤夜未休遂有馮夷來擊
鼓焉知李廣不封侯合歡却咲千年事許坐
曾軒數散愁

與李子同賦觀奕

清簟踈簾看奕碁百年世事不勝悲惟將遲
暮供多病不及前賢更勿疑庾信羅含俱有
宅李陵蘇武是吾師名垂萬古知何用獨立

蒼茫自詠詩

出郭課野老爲園

野老墻低還是家爲園須學邵平瓜已知出
郭少塵事且盡清樽戀物華江上小堂巢翡
翠山樓粉堞隱悲笳不嫌野外無供給來歲
還舒滿眼花

迎春貽余子仲栗

朝來新火起新烟長笛短簫悲遠天細柳新
蒲爲誰綠濁醪粗飯任吾年已聞童子騎青

竹喚取佳人舞繡筵此日此時人共得晴窓
點檢白雲篇

清明自太霞洞過草堂

閨風縣圃與蓬壺物色分留與老夫休恠兒
童延俗客敢論松菊久荒蕪虛霑焦舉爲寒
食細學何顛兔興孤高閣卷簾圖畫裏遠分
山岳散江湖

清明日訪李子聞宿令內子墳庄集杜
句諗之

湖上林風相與清山頭落日半輪明明眸皓
齒今何在落絮遊絲俱有情佩劍衝星聊暫
拔殘尊下馬復同傾酒闌却憶十年事銀漢
遙應接鳳城

草堂夜餞陳兩江大尹集杜句

乙未孟冬

琴瑟几杖柴門幽獨立縹緲之飛樓青眼高
歌望吾子不減昔時陳太丘夜如何其初促
膝歲云莫矣增離憂百壺且試開懷抱一軀
交態何悠悠漂零已是滄浪客每語見許文

韋伯人生交契無老少酒酣耳熱忘頭白濟
世宜引英俊人大賢爲政即多聞邦人思之
比父母世上兒子徒紛紛近聞下詔誼都邑
青春復隨冠冕入神傾意豁真佳士會是排
風有毛質楊眉結義黃金臺客行歲晚尤相
催牙檣捩柂青樓遠鯨魚跋浪滄溟開君不
見犬戎鎖甲聞丹極費心姑息是一役三城
守邊却可圖獨使至尊憂社稷君不見蓬萊
宮闕對南山齊紈魯縞車班班高馬達官厭

酒肉豈可久在王侯間吾爲子起歌都護白
沙翠竹江村暮杜鵑不來猿狖寒潛龍無聲
老蛟怒百年世事不勝悲比屋豪華固難數
文章有神交有道富貴何如草頭露衣冠是
日朝天子秦城樓閣烟花裏香飄合殿春風
轉蛺蝶飛來蓄鸝語致君堯舜付公等各使
蒼生有環堵會送夔龍集鳳池萬歲千秋奉
明主

秋日送同年劉鄜南歸秦中集杜句

四絕

酒盡沙頭雙玉瓶窮途阮籍幾時醒故園楊
柳今搖落悵望秋天虛翠屏

青楓葉赤天雨霜三歎聚散臨重陽籬邊老
却陶潛菊託身白雲還故鄉

但覺高歌有鬼神回風颯颯吹沙塵酒闌擊
劍蛟龍吼羞見黃花無數新

南國浮雲水上多幾時回首一高歌秦城樓
閣烟花裏興在驪駒白玉珂

少城篇贈別三洲李子有引

走夙性玄曠，逃世垢氛。從事采真之
遊，爲日久矣。棲碧山而象銓，與鏡釣
滄洲而太龢。爲綸三秀，靈芳九光。飛
鞅度，幾見之。尚書禮部郎南海三洲
李子希求，羊之遐躅。詢喬松之真詮，
時或顧焉。嗟乎！走安足與哉。走安足
與哉。初夏清和，黯然賦別。泰豆氏之
秋駕，自此展於岩廊矣。又絕摛藻，乃

集杜句以言情云

東望少城花滿烟，憶君誦詩神凜然。君有長
才不貧賤，李白斗酒詩百篇。朝回君是同舍
客，垂鞭鞞鞚凌紫陌。感君意氣無所惜，南尋
禹穴見李白君。今幸未成老翁憶，獻三賦蓬
萊宮。漢官威儀重，昭洗迥立閭闔。生長風况
復得之名譽，早歌辭自作風格老。但覺高歌
有鬼神，不知明月爲誰好。我有新詩何處吟，
鳴鳩乳燕青春深。竊攀屈宋宜方駕，頗學陰

何苦用心即事非今亦非古反鎖衡門守環
堵唯見群鷗日日來留連戲蝶時時舞柴門
雜樹向千株種杏仙家近白榆玄圃滄洲莽
空闊金支翠旗光有無似聞昨者赤松子攬環
結珮相終始江深竹靜兩三家雲白山青萬
餘里黃金臺貯俊賢多幾時回首一高歌宴
筵曾語蘇季子勲業終歸馬伏波知君未愛
春湖色且將欵曲終今夕人生幾何春已夏
此心炯炯君應識似君須向古人求宿昔一

迹無此流炯如一段清水出萬壑萬壑東逝
無停留南有龍今在山湫聽曲低昂如有求
時俗造次那得致如今豈無腰裏與驂騑君
不見蛟之橫出清泚青冥却垂翅迢迢隔河
水君莫笑驥之子皮乾剥落雜泥滓走過掣
電傾城知萬歲持之護天子英雄有時亦如
此

燈夕草堂池中初泛小舟值春雨新霽
宛在中流渤澥清淡雲踈雨過高城春風自

信牙檣動新月猶懸雙杵鳴休怪兒童延俗
客不勞鐘鼓報新晴未填溝壑惟踈放江漢
風流萬古情

草堂喜諸生至

男兒須讀五車書老馬爲駒總不虛劍佩衝
星聊罄拔草茅無逕欲教鋤病軀動覓藜牀
坐嬾性從來水竹居高閣捲簾圖畫裏曳褱
終日盛文儒

草堂餞別諸生偶成二首

籬邊野外多衆芳中有松柏叅天長落花
絲白日靜玉杯錦席高雲涼舟楫渺然自此
去人生會合不可常卧龍躍馬俱黃土金谷
銅駝非故鄉

濁醪粗飯任吾年自斷此生休問天衮職曾
無一字補將詩不必萬人傳深山大澤龍蛇
遠複道重樓錦繡懸一卧滄江驚歲晚斷腸
分手各風煙

獨宿江城蠟炬殘匣琴流水自須彈浮雲不

負青春色玉座應悲白露團復有樓臺啣暮
景也從江檻落風湍看君宜着王喬履直道
無憂行路難

早秋送何御史

日滿樓前江霧黃秋風此日洒衣裳烟綿碧
草萋萋長雨浥紅蕖冉冉香近侍只今難浪
迹賢聲此去有輝光寡妻群盜非今日草奏
何人入帝鄉

歲晚寄懷程叅戎

憶昨歡娛同見招獨能無意向漁樵攬環結
珮相終始人事音書漫寂寥細馬時鳴金驥
裏將軍只數漢嫖姚天涯春色催遲莫只在
忠良翊聖朝

至後諸郎中子興過草堂尋梅登玄覽
臺循城墻而歸集杜句以紀其事

茅齋寄在少城隈冬至陽生春又來萬里相
逢貪握手百年多病獨登臺短墻若在從殘
草皂蓋寧忘折野梅正是江南好風景蓬門

今始為君開

恭泉先生詩集後叙

夫詩之道難言矣黃唐虞夏商周篇什華實彬彬遐哉邈追矣暨漢始有五言魏晉之交諸體競彩咸陶鑄性情剗鑢文理寫玄黃之光鬼鏤卉物之景貌偉共壯毅緜綵彪吁可觀也世歷緜曠條流焚揉泥蟠經史飈

後集
一
駭煙雲梁宋以來綺靡尤恭迨於唐
始復嚴整格律馳騫風雅推準三百
之趣圓備六義之旨辟諸升堂其亦
庶乎循茲而降代益短畧繁條弱植
萎蒨附俗將謂墨耀前光而多謬來
識無貴乎覽焉我

明膺籙御宇握珠照士文明會其極
綿亘而彌昌筆區雲蒸藝苑霞蔚材
英秀發海嶽降神乃篤生我恭泉先
生輝掩南禺鑒縣上世翔集經典之
圃該鍊子史之術按轡回正之路擇
源涇渭之流反彼頽綱振茲洪響凡
古章今律短韻遐篇總掇如干首策
九代而驅軌披四始而畫界拓西京

而植幹憑建安而飛采鎔冶陶謙斷
截殊途衙麾陳杜肆走百氏故其情
深而不詭風清而不雜事信而不誕
義直而不隨體約而不煩文麗而不
侈可謂往林之金矩來英之玉牒矣
時行溷游宮墻朽凋時晷海洋寓矚
景切餘波高堅懸企志深鑽仰以為

韶濩之曲瞽者能宣其音千里之駕
御人能調其足爰輯舊聽離諸文梓
沉衷臆說庸布蠡測憲章懿讚以俟
鴻脩焉

嘉靖壬寅秋八月既望

賜進士第文林郎知嘉興縣事門人
青霞李時行頓首書



一九五六年冬得於都門一氓記

